



BOSNIA AND HERZEGOVINA  
MINISTRY OF FOREIGN TRADE AND  
ECONOMIC RELATIONS

Broj: 09-3-02-2550-2/16  
Sarajevo, 22. 09. 2016. godine

Na osnovu člana 61. stav 2. Zakona o upravi ("Službeni glasnik BiH" br. 32/02 i 102/09), u skladu sa članovima 64. stav (1) tačka b) i 70. Zakona o javnim nabavkama („Službeni glasnik BiH“ broj 39/14), a u vezi sa članom 5. stav (2) tačka f) Pravilnika o uspostavljanju i radu komisije za nabavke („Službeni glasnik BiH“, broj 103/14), Ministar vanjske trgovine i ekonomskih odnosa Bosne i Hercegovine, donio je :

**ODLUKU**  
**o dodjeli ugovora najpovoljnijem ponuđaču**  
**u predmetu nabavke i ugradnje ulaznog drvenog portala**

Član 1.

Ovom Odlukom, na prijedlog Komisije za javne nabavke Ministarstva vanjske trgovine i ekonomskih odnosa BiH, dodjeljuje se ugovor ponuđaču „NINOS“ d.o.o. Sarajevo, koji je ponudio najnižu cijenu ponude za nabavku i ugradnju ulaznog drvenog portala u konkurentskom postupku javne nabavke.

Član 2.

Ponuđač iz člana 1. ove Odluke dostavio je najpovoljniju ponudu, odnosno ponudio je najnižu cijenu u skladu sa članom 64. stav (1) tačka b) Zakona o javnim nabavkama u iznosu od 11.793,60 KM, sa uračunatim PDV-om.

Član 3.

Za realizaciju ove Odluke zadužuje se Sektor za pravne i opće poslove Ministarstva vanjske trgovine i ekonomskih odnosa Bosne i Hercegovine.

Član 4.

Ova Odluka stupa na snagu danom donošenja.

## O b r a z l o ž e n j e

Ministarstvo vanjske trgovine i ekonomskih odnosa Bosne i Hercegovine (u daljem tekstu: Ministarstvo) je dana 22.08.2016. godine, Odlukom broj 09-3-02-2550/16, pokrenulo konkurentski zahtjev za nabavku i ugradnju ulaznog drvenog portala i isti je, dana 05.09.2016. godine, pod brojem 673-7-3-10-3-7/16 od 05.09.2016. godine i brojem 673-7-3-10-8-8/16 od 08.09.2016. godine (Ispravka obavještenja), objavljen na portalu javnih nabavki Agencije za javne nabavke.

U ostavljenom krajnjem roku za dostavljanje ponuda Ministarstvo je zaprimilo dvije blagovremene ponude sljedećih ponuđača:

- „NINOS“ d.o.o. Sarajevo - ukupna cijena sa uračunatim PDV-om = 11.793,60 KM
- „HERCING“ d.o.o. Sarajevo - ukupna cijena sa uračunatim PDV-om = 11.898,90 KM

Prema izvještaju Komisije za javne nabavke Ministarstva (u daljem tekstu: Komisija), broj: KJN-interno/16, (Veza: Odluka br. 09-3-02-2550/16 od 22.08.2016.) od 15.09.2016. godine, dostavljene ponude zadovoljavaju sve formalnopravne i tehničke uslove navedene u Tenderskoj dokumentaciji i smatraju se prihvatljive.

Shodno navedenom, Komisija je, prema utvrđenom kriteriju najniže cijene (član 64. stav (1) tačka b Zakona o javnim nabavkama, dala preporuku da se u predmetu nabavke i ugradnje ulaznog drvenog portala, donese odluka o dodjeli ugovora ponuđaču „NINOS“ d.o.o. Sarajevo čija cijena ponude, sa uračunatim PDV-om, iznosi 11.793,60 KM.

Uzimajući u obzir naprijed navedeno, odlučeno je kao u dispozitivu ove Odluke.

### Pouka o pravnom lijeku:

Protiv ove odluke može se u pisanoj formi uložiti žalba najkasnije u roku od 5 dana po prijemu odluke. Žalba se podnosi ugovornom organu.



### Dostaviti:

- ponuđačima
- Sektoru za opće i pravne poslove
- a/a